

HRILHLÂWKNA TLUANTLING

NUN THLÂK THEITU BIBLE ZIRNA!

HMEICHHIA THLALERAH

1 Lalte 3:16-28

THAWNTHU ...



Rorelna pindan chu a reh thuapa, chu pindan chhunga awm zawng zawng chuan al Solomona lam an hawi thup a. A chhihhlawhte chuan lal la naupang tak, tawn hriat nei tlêm tak mai hian engtin nge he thubuai hi a chinfel ang tih an an ngaihtuah a.

Nu pahnih, in inluah tawmte chuan fa atan mipa naupang a rualin an nei a. Zana chuan, nu pakhat zawk chuan tihpalh thil thuin a fapa chu a delh hlum ta mai a.

An harh chuan a fa chu a thi a ni tih a hria, a naute chu pawm kangin nu pakhat naute mutpui lai mek chu a va laksaka, a aiah naute (fa) thi tawh chu a hnutchhiah a. A hnu deuhah chuan, nu pakhat zawk chuan naute thi chu a hmu a, a tap ta a. Mahse a han en chian chuan a fa a ni lo tih a hre chhuak ta thuai a. Chu in pindan chhungah chuan nu pakhat zawk chuan naute a pawm mek tih a hmu thei a.

Nu ahnihte chu lal hma an an rawn kal a, naute la dam zawk chu an inchuh ta a ni. “He naute hi ka fa a ni” tiin pakhat zawk chu a au va. “Ni lo a thi zawk kha i fa a ni” tiin pakhat zawk chuan a rawn chhang ve leh a.

Engtin nge a nu diktak zawk chu lal chuan a zawn chhuah theih tak ang?

Lal Solomona chuan an inhialna chu rawn titawpin vengtute hnenah chuan ngunhnam la chhuaka, naute chu tan bunga, hmunnhiha chhuah turin thu a pe a.

A tirah chuan sipai chuan lal chuan a sawi mai maiha a ngai a, Solomona chuan vengtu sipai chuan a hreh hle a ni tih a hmu thei a. Tichuan, zawi muangin a ngunhnam phawi chhuakin nu naute pawm lam chu a pan phei a. Chuveleh a naute nu dik zawk chuan tap chungin lal hmaah chuan, “naute chu nei mai rawh se, khawngaihin ti na lo hram ang che” tiin a rawn ngen a. Mahse, pakhat zawk chuan, “a fa emaw ka fa emaw ni bik suh se, kan insem ang” tiin a rawn sawi ve bawk a.

“Tunah chuan rinhlehnatel miah lovin Solomona chuan a nu diktak chu a hre thei ta a ni. Hrilhlawkna ah chuan, hmeichhia chu kohhran entir tu a ni (Jeremia 6:2) Hun hnunhngah chuan kohhran tamtak an rawn awm dawn a, engtin nge kohhran dik, Pathian fapa neitu, a lemte lak atangan kan hriat theih ang? Solomona ang hian ngunhnam – Pathian thu kan hmang ve tur a ni (Hebrai 4:12).

ZIRLAI 16-NA



*He zirlaia a kar awlte dahkhah a awlsam zawk nan,
“Adobe Reader” hmang ang che.
Hêng zirlaiahte hian Bible version atân: Mizo OV re-edited hman a ni.*

ZIRLAI

Bible thu i chhiar zawh hnuaa a kar awlte hi dah khat rawh.

1. Engtin nge thupuan hian Pathian kohhran diktak chu a lan tir?

Thupuan 12:1-2, 5 *Tin, thilmak ropui tak vânah a lo lang ta a;
nîa inthuum, a ke hnuaia thla awm, arsi sâwm leh pahniha
siam lallukhum khum a lo awm a; ani chuan nau a; nau vei
nân a sa hrâm a. ... Tin, fapa, hnam zawng zawng chung
rorêl tûr a bring a; tin, a fa chu Pathian hnênah leh a lalthutphahah chuan
lâk chhohvin a awm ta a.*

Note: Bible hrilhawknah chuan, Pathian kohhran chu hmeichhe thianghlamin entir a (Jeremia 6:2). Thupuan bung 12 ah, he hmeichhia hi ni, thla leh arsi – Pathianin a siam leilunga awmsate hmanga inthuum a ni a. Isuan kohhran hnenah “Khawvel eng in ni e,” (Mathaia 5:14) a ti a. Ni chuan Isua eng a entir a (Sam 84:11; Malakia 4:2). Thla a ke hnuaia a rah hian thuthlungluia hlímthla rawngbawlna a en tir a. Thla chuan ni atângin enna a hmu a, chutiang chiah chuan thuthlungluia inthawina khan Messia lo kal tur chu a entir a ni (Kolossa 2:16-17; Hebrai 10:1). A lu chung a arsi sawmpahnihte khian kohhran pawimawhna entir a – thuthlungluia Israel hnam 12-te leh thuthlungthara zirtir 12 -te a entir ve thung. Khawvel hnam zawng zawng chung a tiang nen roreltu chu Isua a ni (Sam 2:7-9; Thupuan 19:13-16).

2. Tunge “Drakon sen rulpui chu,” eng ge tih a tum?

Thupuan 12:9 *Tin, dragon lian pui, rûlpui tar, leh
an tih, khawvêl zawng zawng bumtu chu an paih thla ta a;
leiah an paih a, a tirhkohte pawh an paih thla tel ve a.*

Thupuan 12:4 *A mei chuan vâ arsi hmun thuma thena hmun khat chu a
hnûk a, leiah a paih thla ta a; tin, a brin huna a nau chu a
theih nân, dragon chu hmeichhe nau bring tûr hmaah chuan a ding reng a.*

Note: Drakon chu Setana a ni a, Isua pian lai vel khan Rom sawrkar phenah nasa takin hna a thawk a. Setana khan Heroda, Rome sawkar hruaitu kha thununin, nausen Isua chu thah a tum a, Bethlehem nausen zawng zawng a suat vek a ni (Mathaia 2:16).

3. Setanan Isua a tihboral theihloh hnu khan eng thil nge thlen?

Thupuan 12:5 *Tin, fapa, hnam zawng zawng chung a thirtianga rorêl tûr a bring a; tin, a fa chu Pathian hnênah leh a lalthutphahah chuan a awm ta a.*

Note: A thawhle hnu khan, Isua chu van a lawn chho a, Pathian Lal thutthleng, (Tirhkohte 1:9-11) Setana thlem phak loh hmunah.

4. Isua vana lak chhoh a nih hnu khan Setanan kohhrante chungah eng thil nge a tih?

Thupuan 12:13 *Tin, dragon chuan leia paih thlâk a ni tih a inhriat veleh, fapa bringtu hmeichhia chu a ta a.*

Note: Setana chuan a thinurna chu Isua chungah a hrithla thei lo a, Isua laka a thinrimna chu a kohhran chungah lekkawh ta a ni.

5. Tihduhna a tuar lai khan hmeichhia kha khawiah nge a awm? Engtia rei nge he hun hian a awh dawn?

Thupuan 12:6 *Tin, hmeichhia chu Pathian buatsaih hmun a neihnaah chuan a tlân bo va, chutah chuan ni sângkhat leh zahnih leh sawmruk an châwm theihna tûrin.*

Note: Hmeichhia (Pathian Kohhran) chu thlâlêrah (khawvel hmun hla takah) a hmelma lak ațanga humhimna zawngin a tlan chhia a ni. History ațanga a lan danin, un thim lai (dark ages) hun lai khan Pathian mite chu pûkahte, hmun fal leh fianrialah, America ram tuipui kam thenkatahte birukna tur hmun leh an sa himna zawngin; Pope tihduhna ațangin an tlan chhia a. Ni 1260 (Bible-a a sawidan in thla 42, kum thum leh a chanve) chhung hrilhlawkna kum 1260 chhung a awh tur a ni a, mi maktaduai tamtak an rinna avangin thah an ni a. Heng hun lai hian Pathian kohhran chu a nunga mahse dan ang taka chhinchhia a ni lo (Tihduhdahna kumte' tih thupui kha entel la).

6. Pathian kohhran dik chhinchhiaha chiang tak pahnihte kha eng nge?

Thupuan 12:17 *Tichuan, dragon chu hmeichhe chungah chuan a lo thinur a, a thlah la awm, Pathian zâwma Isua thu pawmte chu do tûrin a kal ta a.*

Note: Pathian kohhran la bang (remnant church) ah, a mite, a koh mekte chuan Pathian dan – thu sawm pek (sabbath pawh huamtellin) an zawm tur a ni. Thlarau Thianghlum, thlarau thilpek – Isua inpuan chhuahna pawh an neitel dawn a ni (Thupuan 19:10). Hun hnunhnga Pathian kohhrante “Ala bang” tia koh an ni, a chhan chu kohhran thurin (doctrine) leh nungchang (characteristics) kha tirhkohte (apostolte) hun lai ami nen a in mil vang a ni. “Ala bang” (remnant) awmzia chu puan hmawra a them la awm, puanthan atir ami nen an la inang chiahi a ni.

7. Isua kan hmangaihna kan puanchhuah dan Isua'n engtin nge a sawi?

Johana 14:15 *Nangnin mi hmangaih chuan ka chu in zâwm ang.*

1 Johana 5:3 *Pathian kan hmangaihna chu hei hi a ni, a kan zawm hi; a thupêkte chu a khirh si lo va.*

Note: A tira kan thawnthu sawi kha, Solomona chuan naute nu diktak hriat theih nan hmangaihna a tak ngei lanchhuah tirin a hmang tângkai a nih kha. Khatiang chiah kha, Pathian kohhran diktak chuan hmangaihna, in pumpekna leh a dan thute zawm duhna a nei dawn a ni.

8. Hun tawpa Pathian kohhranten vantirkoh pathum thuchah an puan kha engte nge?

A. Thupuan 14:7 *tin, ani chuan aw ring takin, "A hun chu a lo thlen tâk avângin Pathian chu hlau ula, chawimawi rawh u; vâw te, lei te, tuifinriat te, tuihna te siamtu chu chibai rawh u," a ti a.*

B. Thupuan 14:8 *Tin, vântirhkoh dang, a pahnihna chuan, "khaw ropui, a mi ngaih chin vânga thinurna uain hnam zawng zawng intirtu chu a ta, a tlâwm ta," tiin a rawn zui a.*

C. Thupuan 14:9-10 *Tin, vântirhkoh dang, a pathumna chuan aw ring takin, "Tu pawhin leh a lem chibai bûkin, an chalah emaw, an kutah emaw an neih chuan, chûng mite ngei chuan Pathian thinurna uain, a thinurna nova eng mah pawlh lova siam chu an in ang a, vântirhkoh thianghlime mit hmuh leh Berâmno mit hmuhah chuan mei leh kâta nghaisakin an awm bawh ang.*

Note: Vântirhkoh pathumte thuchah hmanhmawhthlak tak mai hian Pathian kohhranten Isua lokal hma a an puan chhuah tur chanchinṭha a entir a ni.

9. Tute hnenah nge Pathian Kohhranten chanchinṭha an puan darh dawn?

Thupuan 14:6 *Tin, leia awmte hnênah leh te, chi tinrêng te, ṭawng tinrêng te, mi tinrêng te hnêna tlângaupui tûra, chatuana Chanchin Ṭha nei vântirhkoh dang vanlaizâwla thlâwk ka hmu a;*

Note: Hun hnahnunga Pathian ohhran chuan vantirkoh pathum thuchah hi khawvela hnam zawng zawng hnenah an puang dawn a ni.

10. Engtin nge hun hnahnunga Pathian kohhran kan hriat theihna tur chhinchhiahnate Pathian thu in a sawi?

- A. Kum 1798 ah thlaler aṭangin hmuh theih turin a rawn in lar chhuak ang. (Thupuan 12:6, 13-17)
- B. Tirkkohte thuchah ang tho kha thuchah an rawn nei ang, an zirtirimate chu Bible nen a inmil thlap tur a ni. (Thupuan 12:17)
- C. Thusawm pek a zawm anga, Sabbath pawh huamtelin. (Thupuan 12:17)
- D. Thlarau thilpek hrilhlawkna, zawlnei a nei ang. (Thupuan 12:17; 19:10)
- E. Hun hnahnunga Pathian thuchah pathumte hi ring takin a puang dawn a ni. (Thupuan 14:6-14)
- F. Khawvel pum huap beihpui thlakna a ni tur a ni (world wide movement). (Thupuan 14:6)
- G. Chatuan chanchinṭha a puangchhuak ang, chu chu Krista kaltlang chauhva chbandamna a ni. (salvation through Jesus Christ alone) (Thupuan 14:6)

Note: Kristian member duhawm tak takte, kohhran a chung a kan sawi tak point sarihte khi hlen chhuak zo lo tam tak an awm. Mahse, chutiang kohhran chu ala bang kohhran, Pathianin a mite tana a buatsaih chu an ni thei lo, ni tur chuan a chung a kan sawi ho point sarihte khi a zawm kim vek a ngai.

11. Isuan heng hrilhlawkna chi sarihte hi min pe a, ‘Tichuan kal ula, ka kohhran chu va zawng chhuak rawh u’ a ti a. In kohhran kha eng ang dinhmuna nge a in din ve le?

Luka 11:9 Chutichuan, ka ti a che u, dil rawh u; tichuan, an pe ang che u; zawng rawh u; tichuan in ang; kik rawh u; tichuan, an hawnsak ang che u.

12. Kohhran engzatin nge a chung a kan sawite hi nei kim vek ang?

Ephesi 4:5 Lalpa pakhat, hmun , baptisma hmun khat,

Note: Khawvel pumpuiah kohhran pakhat chauhvin a chung a kan sawite khi a zawm famkim a – chu chu Seventh-day Adventist a ni. Tunah pawh hian Vantirkoh Pathum Thuchah (Thupuan 14:6-12) hi khawvel pumpuiah an la puang reng a. Mi maktakduai chuangan an rawn pawm mek a ni.

13. Kohhran tamtak hian Kristian kan ni an ti a, chu chuan Pathian kohhran an ni tiha nemnghet reng em?

Isaia 4:1 *Tin, chumi nîah chuan hmeichhe pasarihin mipa pakhat an chelh ang a, “Keimahni kan ei ang a, keimahni kan inbel ang e; i chauh min puttîr la; kan hmingchhia hi min chhilhsak rawh,” tiin an sawi ang.*

Note: Chhang chu Pathian thu entirna a ni a (Johana 6:35, 51-52, 63) tin, felna, dikna entirna a ni baw (Thupuan 19:8). Hrilhlawkna a hmeichhe pasarihte hian anmahniin chhang an nei theuh a (thudik an hre theuh), thawmthnaw inbel an duh baw (felnaa inthuum an duh baw). Krista felna, bawhlhlawh kai lo chu an duh baw. An duh zawng chu Isua hming a ni a, a chhan pawh Bible in a sawi a ‘van hnuai mihring hming sak zingah min chhandam thei hming dang a awm lo’ tih chu a ni (Tirhkohte 4:12).

14. Miin hun hnuhnunga Pathian kohhran l o hmu ta se, member nih kher a ngai em?

Tirhkohte 2:47 *Pathian an fak a, mi zawng zawng lawm zâwngin an awm thîn. Tin, a chhandam mêk apiangte chu Lalpan ni tin an a zêl thîn.*

Note: Aw, hun hnuhnunga Pathian kohhrana awm hi kan tih makmawh a ni. Member nihna chungchang hi Pathianin engtin nge a sawi.

- Taksa pakhat pu turin min ko. (Kolossa 3:15)
- Chu taksa chu kohhran a ni. (Kolossa 1:18)
- Chu taksaah chuan baptisma hmangin kan lut. (1 Korinth 12:13)

Nova hunlaia chhandamna lawnga luh a pawimawh ang bawkhun hnuhnunga Pathian kohhrana luh hi a pawimawh a ni. Pathian chuan, “Lo kal ula, chhandamna lawngah hian lo lut vek rawh u” a ti si a (Genesis 7:1).

15. Nova hunlai khan chhanchhuahna kawng engzat nge awm?

Hebrai 11:7 *Rinnain Nova chu thil lo la lang lote kawng thûah Pathian brilha lo awmin, Pathian tîh dêkin a chhûngte chhandam nân a tu a; chu chuan khawvêl chu thiam loh a chantîr ta a, rinna avânga felna awm chu rochungtu a lo ni ta bawk a.*

Note: Isuan lo kal lehna ni chu Nova hunlai ang kha a ni ang a ti a (Luka 17:26). Chhanchhuahna kawng khat chauh a awm, Nova hunlaia chhandamna kawng khat chauh a awm ang khan.

16. Kristian, rinnaa invawng fel tak takte kohhran dangah tamtak an awm a, Pathian chuan kohhran Pakhat chauh a nei si a, heng Kristian fel tak takte hi engtin nge ni ta ang?

Johana 10:16 *Tin, he berâm huanga mi lo hi berâm dang ka nei; anni pawh ka la rawn tûr a ni, ka aw pawh an ang; chutichuan, pâwl an awm ang a, a vêngtu pakhat nê.*

Thupuan 18:2, 4 *Tin, ani chuan aw ring takin, “Babulon khaw ropui chu a tlâwm ta, a tlâwm ta, ramhuaite awmna leh, thlarau bawlhhlawh tinrêng kulhbîng leh sava bawlhhlawh leh tenawm tinrêng kulhbîng a lo ni ta. ... Tin, vân ațangin aw dangin heti hian a sawi ka hria: “Ka u, a sualnaahthe in tel lohna tûr leh, a hremnate in hmuh ve lohna tûrin, a chhûng ata u.*

Note: Isua chuan mi rinawm, fel tak takte Babulon ațangin ako chhuak dawn a. A aw an hria ang a, an chhang let ang a, tichuan hun hnung kohhran awm chhun, a dikah chuan a rawn hrui lut dawn a ni.

I CHHANNA

Vawiinah hian Isua chuan hun hnuhnunga a kohhran a lut turin a sawm mek che a. A tan i hlu em em a, A kohna che hi i chhang let dawn lawm ni?

CHHANNA:

ZIR BELHNA

Hemi hmuna thu awmte hian i zir zau naah a pui ang che.

Tihduhna tawrh laikumte

Bible ah hian kum 1260 hrehawm nasa tak tawrhna hi a sawi ngun hle mai a, a chhan chu history atanga kan chhut chuan Pathian fate tan tawrhna nasa ber a nih vang a ni (Mathaia 24:21). Ni 1260 te, thla 42 te, kum thum leh a chanve emaw kum 1260 tih te a sawilan a ni (Thupuan 12:6, 14; 13:5; Daniala 7:25). Juda kum chhiar dan (calendar) ah chuan kum khatah ni 365 a awm a, pathum kan belhkhawm chuan kum 1260 zat chiaah a ni. Hrilhlawkna ah chuan ni khat hian kumkhat a tluk (Exekiela 4:6; Numbers 14:34).

History kan chhiar chuan Pope hian a thuneihna hmanga ringtute a tihduhdah chhung kha kum 1260 chhung a ni a. Chu hun chu A. D 538 ah intanin, Rom ram awptu Emperor Justinian-a hun lai kha Pope thuneihna a vung lai tak a ni. Chutah chuan Roman puithiam (bishop) chu kohhran zawng zawngte lu ber ni tura nemngheh a ni. Chu lehkhah chu Rome lalram dan bulpui alo ni ta bawk. Chu hun chu kum 1798 ah Nepoliana General – Alexander Berthier-a'n Pope a man khan alo tawp taa. Kristian makraduai 50 vel zet chu an rinna avangin hetih hun lai hian thi tura rin a ni.

Hriat tur pawimawh deuh deuh point thumte:

Pathian mite tan Thupuan 12:10-12 ah hriat tur pawimawh deuh deuh point thum a rawn sawia chungte chu :

1. Isuan Setana, dawt hmanga mi hek ching chu kross ah khan a hneh tawh a ni.
2. Isua thisen chakna hmangin mi zawng zawng hian kan hneh ve thei a, kan nuna a inpuanna kan inhrilh hmang pawhin kan hneh thei.
3. Setana chu a thinur em em a, a chhan chu hun tlemte chauh a nei tawh vang a ni. Awm dan mawi taka min rawn thlem tur angin kan ngai tur a ni lo. Setana chu kan hmelmah sual ber a ni.

Isua, Setana hnehtu chuan kan tan a thitih theihna a thlawnin min pe a. Isua thiltihtheihna kan nun pui chuan kan chak ngei ngei dawn a ni. Setana thinrimna chuan min tibuai phak dawn lo. Ani chu hmelmah hneh tawh hnu a ni a. Vana indona hmunah hneh alo ni tawh a, hnawh chhuah a ni. Isuan kross ah a hneh tawh a, a ram awp chin pawh a hloh zo ta vek a. Rorelna ni ah chuan dan ang takin hneh ala ni dawn a, tichuan Pathian khawpui thianghlim an hual hunah pawh hneh a ni leh dawn. A tawp berah chuan, medil hmangin khawvel atangin a hnuhmate pawh nuai bo vek a ni ang a. Thu lawmawm tak chu nang leh kei min tih chhiat vek a tumna a tangin Isuan hrehawm nasa tak tuar turin a hrem dawn a, chutiang thu lawmawm tak chu Isuan min tiam a ni.